

CENTRALNA BANKA
BOSNE I HERCEGOVINE

Broj: UV-150-01-1-*2048-5* /19 ŽB
Sarajevo, *06.08.* 2019. godine

Na osnovu člana 69. stav (2) pod d) i člana 70. Zakona o javnim nabavkama (Službeni glasnik BiH, 39/14), člana 49. stav (2) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine i člana 13. stav (2) Pravilnika o javnim nabavkama, broj: UV-122-01-1-11/18 RJ od 30. januara 2018. godine, Upravno vijeće Centralne banke Bosne i Hercegovine na 9. sjednici od 30. jula 2019. godine, donosi

O D L U K U

o poništenju postupka javne nabavke robe – električne energije, za potrebe Centralnog ureda Centralne banke Bosne i Hercegovine – lot 1

Član 1.

- (1) Ovom odlukom se poništava postupak javne nabavke robe – električne energije za potrebe Centralnog ureda Centralne banke Bosne i Hercegovine – lot 1, procijenjene vrijednosti nabavke u iznosu od 140 000,00 KM.
- (2) Postupak se poništava jer nijedna od primljenih ponuda nije prihvatljiva.

Član 2.

Centralna banka će o rezultatima provedenog postupka javne nabavke obavijestiti ponuđače.

Član 3.

Za realizaciju ove odluke zadužuju se Odjeljenje za računovodstvo i finansije i Odjeljenje za javne nabavke Centralnog ureda Centralne banke Bosne i Hercegovine.

Član 4.

Ova odluka će se objaviti na web stranici Centralne banke www.cbbh.ba istovremeno s upućivanjem ponuđačima koji su učestvovali u postupku javne nabavke, u skladu s članom 70. stav 6. Zakona o javnim nabavkama („Službeni glasnik BiH“, broj: 39/14).

O b r a z l o ž e n j e

Postupak javne nabavke robe – električne energije, putem otvorenog postupka, pokrenut je Odlukom broj: 150-15-4-1513-2/19 SAK od 27. maja 2019. godine.

U skladu s tim, Centralna banka je 20. juna 2019. godine na portalu Javnih nabavki objavila Obavijest o nabavci broj: 1370-1-1-356/19.

U predviđenom roku za dostavljanje ponuda, blagovremeno je dostavljena jedna ponuda za nabavku električne energije za potrebe Centralnog ureda Centralne banke Bosne i Hercegovine – lot 1, ponuđača JP Elektroprivreda Bosne i Hercegovine d.d. Sarajevo.

Komisija, nadležna za provođenje postupka javne nabavke, je izvršila pregled i ocjenu pristigle ponude.

Komisija je zaključila da je prethodno navedeni ponuđač, u sklopu svoje ponude, dostavio sve dokumente, u skladu sa zahtjevima iz tenderske dokumentacije.

Komisija je ocijenila da je ponuđač propustio popuniti Obrazac za cijenu ponude – Aneks 2, na način tražen tenderskom dokumentacijom. Ponuđač je propustio popuniti jednu stavku u Aneksu 2, a tenderskom dokumentacijom je traženo sljedeće: “ *Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu s postavljenim zahtjevima, za sve stavke koje su navedene, njegova ponuda će biti odbačena.* ” (Poglavlje D, tačka 4. tenderske dokumentacije).

U skladu sa zahtjevima postavljenim tenderskom dokumentacijom, komisija je, Zapisnikom o pregledu i ocjeni ponuda, broj: 149-15-4-1862-6/19 i Izvještajem o radu s preporukom, broj: 149-15-4-1862-7/19, oba od 17. jula 2019. godine, dala preporuku kao u dispozitivu.

Pouka o pravnom lijeku:

Protiv ove odluke može se, u pisanoj formi, uložiti žalba Centralnoj banci Bosne i Hercegovine u roku od deset dana od dana dostavljanja ove odluke.

Predsjedavajući Upravnog vijeća
Centralne banke Bosne i Hercegovine



GUVERNER
dr. Senad Softić

Dostaviti:

- guverneru;
- članovima Upravnog vijeća;
- viceguvernerima;
- Uredu glavnog internog revizora;
- sekretaru Uprave i Upravnog vijeća;
- Odjeljenju za zajedničke poslove;
- Odjeljenju za računovodstvo i finansije;
- Odjeljenju za javne nabavke;
- u spis predmeta;